

Komünike Upravnog odbora Vijeća za implementaciju mira

Upravni odbor Vijeća za implementaciju mira sastao se na nivou političkih direktora sa Visokim predstavnikom 30. novembra 1999.god. u Brüsselsu.

Upravni odbor i Visoki predstavnik pozdravili su obaveze preuzete od strane Predsjedništva BiH u Njujorškoj deklaraciji i u usuglašanim Principima o uspostavi državne granične službe, donesenim prilikom istupanja Predsjedništva BiH pred Vijećem bezbjednosti Ujedinjenih naroda 15. novembra 1999.god., kao i obaveze preuzete na Konferenciji za obilježavanje godišnjice potpisivanja Dejtonskog sporazuma za jačanje i unapređenje Dejtonskog mirovnog sporazuma.

Upravni odbor je sa zadovoljstvom primjetio da je Predsjedništvo BiH preduzelo prvi korak kako bi ove obaveze ispoštovalo do kraja odobrivši 24. novembra 1999.god. Nacrt Zakona o državnoj graničnoj službi i podnoseći isti Parlamentu BiH radi poduzimanja daljih radnji. Upravni odbor i Visoki predstavnik su se saglasili da iskoriste zamah koji je proizvela Njujorška deklaracija te da ga nastave i obezbijede implementaciju ovih obaveza u potpunosti.

Upravni odbor daje potpunu podršku Planu implementacije imovinskih zakona Visokog predstavnika, koji je priznat kao ključni faktor za bezbjedan povratak izbjeglica i raseljenih lica kao i za vraćanje imovinskih prava kako bi se poništile posljedice etničkog čišćenja izvršenog tokom rata.

Upravni odbor je primio k znanju odgovornost Visokog predstavnika pri vršenju ovlasti koje su mu dodijeljene kako

bi osigurao implementaciju Mirovnog sporazuma širom Bosne i Hercegovine i njenih entiteta i kako bi preduzeo odgovarajuće mjere. Upravni odbor u potpunosti odobrava akciju preduzetu u tijesnoj koordinaciji sa OSCE-om, UNMiBH-om i SFOR-om protiv osoba na javnim funkcijama koje su ozbiljno i uporno opstruirale implementaciju Mirovnog sporazuma.

Upravni odbor je također pozdravio zajednički stav Visokog predstavnika, Nezavisne komisije za medije i SFOR-a za obezbijedjivanje slobode medija i ravnopravnog pristupa medijima za gledateljstvo iz sva tri konstitutivna naroda bez političkog uplitanja bilo onog koje dolazi iz Bosne i Hercegovine tako i onog koje dolazi izvan nje.

Upravni odbor je pozdravio namjeru Visokog predstavnika da dà visoki prioritet ekonomskim pitanjima sa ciljem da učini da BiH postane jedinstveni ekonomski prostor i da se razvije privatni sektor u okviru političkih i ekonomskih strukturalnih reformi. Svaki novi zakon će se provjeriti kako bi se ustanovilo koji su troškovi uključeni kao i finansijske potrebe.

Upravni odbor i Visoki predstavnik su se ponovno pozvali na Izjavu o utjecaju izbora u Hrvatskoj na Bosnu i Hercegovinu od dana 17. septembra 1999.god. Složili su se da Visoki predstavnik pošalje odlučnu poruku rukovodstvu Hrvatske navodeći područja od značaja i zahtijevajući da svi aspekti predstojećih izbora u Hrvatskoj koji se budu odvijali u Bosni i Hercegovini (naročito registracija birača) budu sprovedeni slobodno i pravedno uz potpuno poštivanje standarda OSCE-a.